



UNIVERSITÄTS-
BIBLIOTHEK
PADERBORN

Universitätsbibliothek Paderborn

Gasparis Lechneri E Societate Iesv Theologi. Sodaliv Parthenivv. Siue Libri Tres Qvibvs Mores Sodalivm Exemplis Informantvr

Lechner, Kaspar

Dilingæ, 1628

II. Sodales Officij negligentes castigantur.

[urn:nbn:de:hbz:466:1-51916](https://nbn-resolving.org/urn:nbn:de:hbz:466:1-51916)

posuit, illico iterum mutatâ volun- *Parthe-*
 tate, nullis Sodalium summis vel in- *niâ sta-*
 fimis precibus retineri potuit. Re- *tionem*
 cedit solus, rectâ natatum proficisci- *fugerat.*
 tur, statimque ingressus hauritur
 aquis, nec nisi efflata anima apparet.
 Atque hæc pauca illorum exempla,
 qui Sodales non fuerunt, monere
 quemuis debent rideri ac contemni
 multa posse; sed eas sannas plerum-
 que post se lamenta, vtinam nun-
 quam sera, trahere. Nunc ad Sodali-
 um negligentium pœnas spectandas
 eamus.

CAPVT II.

SODALES OFFICII

Negligentes castigantur.

Scio compluribus dubitationem
 iniectam fuisse piaculumne sit So- *Vide Na-*
 dalitatis leges violare. Eam ego in *uar. de*
 presenti non discutio. Aliquid tamen *psal. mis-*
 causæ esse, credere debemus, cur pœ- *scell. 28.*
 nis ob legum perruptionem multæ-

tus

*Cur So-
dales de-
sides pa-
nas dent.*

tur Sodales desides. Illud certe in-
commodi affert legum siue contem-
ptus, siue, vt leuissimè dicam, negle-
ctus, quod peculiaria Dei auxilia, cu-
ramque singularem, quibus pericula
impendentia remota fuissent, Soda-
les non impetrent. Quo fit, vt varijs
fortunæ casibus, quibus mortales
obnoxij sunt, inuoluantur, quos Dei
numine, si legibus paruissent, euade-
re potuissent. cuius infra memoran-
dum exemplum dabo,

*Conuen-
tus negli-
gens sub-
mergitur*

I. Atque vt ab eo ordiar, in quo
desij. Romæ quidam dum tertium
iam aut quartum conuentu negle-
cto, die quodam Dominico circa ho-
ram piarum exercitationum se Tibe-
ris aquis abluit, peritissimus natator
gurgitibus absorptus suffocatur.

*CIC.
IACIV.*

II. Subiungam aliorum repenti-
nos è vita discessus, ob officia Soda-
litate neglecta. In Sodalitate Turia-
sonensi Parochus quidam vixerat.
hic conuentuum frequentandorum
oblitus, cum Mariani officij admo-
neretur, *instar mortis sibi esse dicebat*

huius-

huiusmodi cœtibus interesse. Infelix!
 maluit videlicet Aphrodisia agitare,
 quam Parthenia. Nam turpi mulier-
 eulæ cuiusdam amore correptus in
 extremum ruit exitium. Cùm enim
 eius foeminæ maritus coniugem do-
 mi suæ non inuenisset, ratus id quod
 erat, in hortum non longè ab vrbe
 distitum festinus contendit: ambos
 deprehendit: illum pugione statim
 confodit; hanc eodem traicere pa-
 rabat, ni vicini clamoribus exciti pe-
 riculum auertissent. Quàm miseri
 rectum non vident! Adesse Sodalium
 conuentui mortem putabat: abesse
 mors fuit.

*pugione
 traicere
 tur.*

III. In Sodalitio Consentino
 quidam minus probatis moribus de-
 gebat, & in adeundo cœtu negligēs,
 & grauibus inimicitijs implicitus.
 Cùm igitur sæpius moneretur, vt re-
 sipisceret, pertinacesque iras remit-
 teret, tandemque verbis claris homi-
 ni denunciaretur futurum, vt ni So-
 dalitium frequentaret, nomen illius
 ex albo expungeretur: indignabun-
 dus

cap. 106

V

dus

II.
 l certè in-
 contem-
 m, negle-
 axilia, cu-
 s pericula
 nt, Soda-
 t, vt varijs
 mortales
 , quos Dei
 at, euade-
 nemoran-
 ar, in quo
 i tertium
 atu negle-
 o circa ho-
 m se Tibe-
 us natator
 catur.
 m repenti-
 ficia Soda-
 late Turia-
 i vixerat.
 atandorum
 ficij admo-
 esse dicebat.
 huius

dus respondit. Ego verò, inquit, ad
 Sodalitium tunc scilicet veniam, cum
 hoc mihi caput abscissum, & hæc crura
 membraq; abrepta a corpore fuerint.
 designabat inter dicendum partes
 corporis, infelix augur sui interitus,
 paulò enim post cum in manus ini-
 micorum incidisset, miserabiliter in-
 terfectus est; dissectusque ea proflus
 concisione membrorum, quam sibi
 ipsi ominatus antea fuerat.

Misere
 dilania-
 tur.

C13.

1007111.

Sno ferro
 cadit.

IV. Camberiensis Aduocatus li-
 berioris vitæ amans in postremis cu-
 ris Congregationem habere capit.
 Appellatus ea de re ab æqualibus, se
 nolle tot oculis obseruari, respon-
 det, ac vereri reprehensiones, sicubi
 ab officio deflecteret. Vindice vide-
 licet oculo obseruari miser debuit.
 Nam cum cognouisset, ritalem su-
 um sub primam noctis horam inde
 se recipere, quo sibi soli volebat adi-
 tum patere, seque à muliere præ illo
 despici, redeunti sine socio parat in-
 fidias; ac vix inita rixa cum ipse ac
 socij fugantur, exterriti, tanquam à
 plu.

plurimis premerentur. denique cum fugeret exertum atque in se obuersum quatiens pugionem, in ipsum met corruit, sibi que in pectus infixit: quo facto tandem reflexit oculos ad Sodalitatem, veniam petijt, preces poposcit, optima quæque pollicens, si vita suppeteret. An ex vulnere superuixerit, mihi incognitum est.

V. Alius leuis vt apparebat officij negligens, graues pœnas luit. Res fide certâ cognita est: locum annumque volens omitto. Duo è Sodalitio adolescentes die aut festo aut Dominico, pomeridiano tempore, captato ex amœnitate cœli consilio nauem conscendunt, vt in Pado Italiae flumine lusitabundi reliquum diem exigerent: dum id agunt, dixit alter alteri. *Quin in hoc otio Sodalitatis pensum persoluimus, & B. V. horarias preces legimus?* respondit alter Leges Sodalitij non obligare sub peccato, & sibi iam precandi animum non esse. Orat ergo vnus; negligit alter: qui mox in atroci discrimine ab irritatâ

*Quam-
do leges
obligent.*

Dei matre etiam negligitur. ortâ enim nescio vnde tempestate, & cælo in turbinem verso, ecce navis agi toto flumine, concuti, impingi, demergi, ambo in flumen excuti, ambo **MARIAM** inclamare: adest illa pulcherrima specie ei, qui preces legerat, & prehensâ manu periculo eripit: ad alterum verò simile subsidium implorantem conuersa, torueque contuita: *Iam, inquit, non obligabis me colere: nec ego obligor te morte eximere.* Et cum hoc amarulento scommate miserum iam cum morte luctantem deseruit. Atque istud est, quod principio capitis monui, tamen si leges Sodalitatis neglectæ piaculo non sint, tamen grauia inde damna existere, quæ Deus bonus auertisset, si liberalius Deiparæ seruire voluiffemus. Tuti sunt Sodales sub Pallio tam potentis Virginis: sed si legum perruptione inde se eximant, latus nudum quibusuis malis obuertunt.

VI. Felicius alter punitus est, & ad

ad frugem correctus locum itidem
 prudens prætermitto, de fide narra-
 tionis certus. Vir fuit in Academia
 quadam Germaniæ inferioris excul-
 tus literis, qui Virginem quidem Dei
 matrem habuerat aliquando in deli-
 cijs, dum virtutem coleret ardenti-
 us. Deinde vero remittente sese illo
 ardore, cum iam liberius viuendi ge-
 nus sectaretur, nec ita placebat ipsi
 Virgo, nec ipse Virgini. Hic recrean-
 di animi causa æstiuo tempore vrbe
 excessit; & cum nonnihil fecisset iti-
 neris sopore nolens volens opprimi-
 tur, per somnum terrificam vocem
 inaudit, dicentem sibi, *Horrendum
 est incidere in manus Dei viuentis,*
 qua voce perterritus ad B. Virginis,
 quam coram sibi intueri videbatur,
 opem confugit. At illa vultum auer-
 tit. intonuit denuo vox eandem re-
 petens sententiam, hæc q; subijciens,
*Putasne quod ero similis tibi? quid fa-
 ciat in hoc cominationum æstu mi-
 ferrimus? sudat, pallet, exalbescit,*
 quo se vertat, quem diuorum appel-

CIS. 10
XCIII.

let ignoret. Cum adolescens, qui ipsi ad latus adesse videbatur digito Virginem, ad quam accederet offendit: accurrit ille, ad pedes accidit, pro-uoluitur, sed longius Virgo recedit. Hic tandem excusso somno. Ecce tibi noua perturbatio, in medio ne-more & locis maximè auis sese de-prehendit, & vbi terrarum agat pro-fus ignorat; ægrè tandem perrumpit, ac admonitus à Rustico in viam & domum redit. ac morbo post paulo tactus lectulo affigitur, hic denique multis precibus lachrimisque cum Virgine redit in gratiam ac ab ea per quietem iacens inuisitur, vitæ dein-ceps instituendæ rationes accipit, quas & præstitit.

Sodales VII. Addam de neglectu con-
in conue- uentum vnum adhuc, vt eò certius
tibus fre- innotescat omnibus, absentiam il-
quenter lam B. Virgini plus displicere, quam
fontur multi passim æstiment. Eadem in vr-
à B. Vir- be alius Aduocatus annum penè to-
gine. tum statos cœtus obire prætermise-
Eodem rat, satis à se officij præstitum ratus, si
anno. quo.

quotidie B. Virginem certa prece saluaret. Nocte quiescenti repente species est obiecta Deiparæ multo lumine circumfusæ, quæ fouere blâditijs cæteram Sodalium multitudinem videretur, seipsum autem præ pudore cunctantem auersaretur; vicit tandem studium adeundæ Virginis, à qua benignè in spè futuræ probitatis acceptus, non diu distulit, quin ad Sodalitatem frequenter se referret. *Vbi duo tresue in Christi nomine congregati forent, ille se medium fore pollicitus est, & in tanto confessu abesse quisquam credat? enimuerò adest, magno præsentium bono, quo absentes priuantur.* Notum est quantum obfuerit Thomæ *cum cæteris non fuisse.* Ita omnino Sodalis maius detrimentum absentia suâ facit, quam æstimare possit.

Matt. 18.

Ioan. 20.

C19. 130.

VIII. Omnino à Sodalitate se auellere ob pœnitentiam iniunctam, Sassaritanus in Sardinia Sodalis volebat. Gerebat tum fortè inimicitias cum alijs; qui cum viginti ipsos dies

V 4

cum

eum quæsiuissent ad cædem, tandem eo ipso die, quo animum non redi ad Congregationem ceperat, in eorum manus incidit, graueque in facie vulnus accepit: resipuit eo malo, vindictamq; mali animi agnouit.

CIC.

130CIX.

IX. Vt hi resipuerunt icti; ita alius melius vitam finit, quàm forsitan egerit. Auenione quidam interiocandum, vt ferè fit, leuissima offensione inimicitias cum altero tam graues suscepit, vt illum nefariorum quorundam commissione & hortatibus ad pugnam singularem prouocaret. A quo incepto nec Sacerdotis nec urbani Prætoris auctoritate absterri potuit, fato suo ad necem raptus. Erumpit itaque ex vrbe, seseq; duello sistit. Inter petitiones misero præcordia ferro traijiuntur, vt ne momento quidem superstes futurus crederetur etiam Medicorum opinione. Redit tamen ad se iterum, oculos extrema in morte attollit, præsentemq; Patronæ opem sentit inducijs septem dierum impetratis, quas dolori ac

*Duella-
toris caso
penitenti
vita pro-
pagatur.*

pæ-

penitentia sedulo consecrauit. Et quod cincinnatos iuuabit, crispabat hic crines cirrosque ex arte turbina-
tos surrigebat, quos nec deponere, nec verò imminuere vnquam volebat: euictus tandem praesenti casu, caesariem resectam vltro non absque suspirijs Sacerdoti in manus tradidit; adeoque vitam ipsam magno sensu pietatis religiosissimè clausit. poterat hoc inter beneficia numerari, si melius principium habuisset.

X. Consuetas preces quidam Iaroslauiæ dicere die vno omiserat minoribus studijs occupatus. Ipso illo die glande plübea traiectus est: quod ei cruciatus peracres praesertim in os suum exemptione peperit. Quorum tamen primò lenimen; mox leuationem integram sensit, cum B. Stanislauum in vota aduocauit.

XI. Pultouiensis Sodalis die Assumptæ Virginis negotiorum quorundam expediendorum causa equo profectus rem diuinam audire sacroque epulo accumbere neglexerat.

Preces omittens globo traiecitur.

CIO. 13
CVI.

Communionem et sacra negligens.

CID. Paullulum progressus quasi quodam
 ICCC. fulmine ictus repente prostrernitur,
 grauique adeò casu affligitur, VL
 mortuo similis & à mente non mi-
 nus, quam equo deiectus, sex integris
 horis humi aquis pluuijs propè obru-
 tus iacuerit, equo cum sarcinis fugâ
 dilapso. Longo post interuallo ad se
 rediens, de rerum suarum iactura e-
 quiq̃ue fuga vehementer angi cæpit.
 Subijt interea mentem damni causa,
 geminæ legis violatio. veniam itaque
 clementem Patronam orat, & præ-
 properam festinationem seriò dam-
 nat. Quod dum facit, curriculo ad
 hospitium, quo se ille contulerat, re-
 dit equus sarcinis & ephippio leua-
 tus: quasi diceret, inquit Auctor, se fu-
 gisse, ut equitem suum omisi officij cõ-
 mone faceret, redysse, ut exorata Vir-
 ginis misericordiam demonstraret, sar-
 cinam & pecuniam perdidisse, ne di-
 uina quisquam sacris diebus impune
 se neglecturum speraret.

Terrori-
 ad

XII. Veternum quorundam in-
 tentata pericula excusère. Ex Agri-
 gen-

gentinis quidam Sodalibus in dies *officium*
 præcipiti negligentia deterior fiebat *redeunt.*
 magisque ac magis à legum præscri- *Eodem.*
 pro exerrabat. Hic hac ratione in re-
 ctum tramitem reductus est. Adierat
 fortè nescio quid moliens aut animo
 secum agitans honestæ matronæ æ-
 des: maritus mœchum sibi paratum
 arbitratus, vehementi ira incensus,
 ut erat veruto obarmatus, cœpit
 petere hominem, fugientemque in-
 sectari. Iamq; reducta dextera trans-
 fixurus erat miserum, cum ille sup-
 plex B. Virginem implorat opemque
 rogat: nec frustra: ictus toto impetu
 illatus per vestes abiit, leuiterque
 cute perstricta, quasi in adamanti-
 num thoracem incidisset, elanguit.
 Quo ille beneficio Virginis excita-
 tus omni post id obsequio eandem
 venerari studuit.

XIII. Auenione spectrorū som- *CIO. IO*
 niorumq; terroribus ad propositum *LXXXIX.*
 Congregationis petendæ reuocatus
 quidam perhibetur.

XIV. Claudam caput hoc dua- *Eodem.*
 bus

bus memorandis historijs, quæque multorum Iuuenum animos non tantum ad Sodalitij amorem impellere, sed à foeminarum & prauorum familiaritate longe abstrahere iure debeant. Iuuenis Sodalitatem Genuensem aliquandiu celebrauerat, sacraque mysteria frequenter pièque adierat. Is deinde cum ex imprudenti oculorum coniectu diligere cepisset mulierem, paulatim de veteri studio remittere, diuinorum obliuisci, fomentis noxijs vsque & vsque ignes Cyprios alere: denique ita effusè illam exarsit, vt occupatus in alio, diuinum omnino exclusit. Neque enim Deus Venusque eodem pectore hospitari possunt. Et mittebantur vltro citroque munera & furtiuæ literæ per interpretes accipiebantur. Trimestre hoc spaciũ fuit: post quod graui corporis morbo æger decubuit. Tormina erant peracerba, erodente seipsum stomacho, & supplicia sibi gignente: mirum sanè quam imundas sordes, & varias ante ora aspiden.

*Quam
perniciosa
sit fami-
nariũ
consuetu-
do.*

*Vide quid
multis
breuis
dosis bo-
na erit.*

fidentium euomuerit: muliebres cri-
 nes, ouium villos, linum, bombycē,
 crinales acus & sutorias, vnguium
 segmina, ossium & ferramentorum
 fragmina non paruo numero, vna
 cum sanguine. mirati omnes, qua
 colluies illa parte locum habuerit,
 quodque spiritum non intercluserit
 ciecta. Accitus è Societate pater, ho-
 minem adhuc vomere non cessan-
 tem hortatur, ne se amplius teneri
 pestifero amore patiat: exhiberet
 ergo, si qua essent, ab amica munus-
 cula. Quærit deinde num quæ essent
 ab ea literæ: acceptas ille fatebatur,
 sed dein laceratas fuisse. cum fidem
 non faceret, admonet Pater familia-
 res, vt diligenter exquirant arculam,
 in quam abdere solebat res charissi-
 mas, & quicquid est amatorium tol-
 lant: cum hoc dicto discessit. Ea res
 cum ægroto occultæ sono vocis in-
 notuisset, arculæ clauem horrendis
 clamoribus sibi dari postulat, & ac-
 ceptam coniectamque in os, eadem
 voce admonente, statim deglutijisset,

nisi adstantium accursu prohibitus fuisset. Igitur puluino supponit. Ipse emotæ ferè mentis oculorum vsum, tantisper amittit. Instat mater, vt doctus malo, Sacerdotis imperium facessat, reddat clauem capsulæ apertæ. Eam cum manu quærens non inueniret, furto ablatam credit; hoc magis vociferari & furore accendi: nec tamen toto lectulo diligenter excusso reperta est. Vi tandem ferroque arcula cum esset reſerata, binæ literæ Veneris inuentæ, Vulcanoque traditæ sunt. Nec moras restitutus iuueni sensus videndi, & diu multumque clavis frustra quæſita, apparuit ante oculos mirantis exposita. Melius interim ipse habere & animo & corpore; & quicquid amentia deliquit, pœnitentia corripuit. *Timeo Danaos & dona ferentes*, ait apud Maronem quidam. Sed nulla peræquè dona timenda ac muliebria. Primo fœminæ dono, omnes adhuc morimur. Nemo fidat inter tot fraudes. Morbi incogniti nullaque

*Vis epi.
Solarum
amato-
riarum.*

Ænei. 2.

Genes. 3.

laque Machaonis arte curandi flo-
rentes sæpè adolescentes absumpse-
re, dolore omnium atque admiratio-
ne, vnde malum illos inuaserit. Quid
causas quærimus ? quod modo hic c. 8. §. 24.
memoratum, & quod superiore li-
bro allatum est, quorumque similia
quam plurima afferri possent, cau-
sam in aperto ponunt, modo tam fa-
cile vitare velimus, quàm ea cito co-
gnita est.

XV. Quod sequitur à prauis so- Prætorū
cijijs absistendum esse monet. Rem. sociorum
apud Ingolstadienses gestã vt ab alijs familia-
per scripta est, referam. *Adolescēs no-* ritas no-
bilis Sodalibus B. Virginis adscriptus, xia.
cū atatis lubrica spacia inoffenso pede CIC. IO
aliquādiu feliciter decurrisset, iniecta XC VI.
sensim animo rerum illecebra, habenas Principi-
paulatim capit cupiditatib⁹ remittere. umtus.
Inde prauorum incitamentis ablatas na.
libertoris vita cursum inijt. Eo vsq; cō-
suetudine malorū pronectus est, vt qua
antea magna veneratione coleret pie-
tatis studia, ea demū risui contēptuiq;
haberet, nec quicquam illi magis cor-
di

di esset, quam ut per summam lasciu-
 am computationibus ac pergracationi-
 bus tempus consumeret, usque geniali-
 ter indulgeret, qua illi vita comitari
 solent, & ut miser humana prauitatis
 venenum altius imbiberet, in aliorum
 Sodalium genio deditorum familiari-
 tatem se penitus immerisit. Hi ad cate-
 ram lasciuientis atatis licentiam, etiã
 illud addiderunt, ut ardentibus tedis
 aut sarmentis accensis, tanquam Ore-
 stem Furia modo hunc, modo illum ex
 suo numero, ex improviso adorirentur,
 flammis circumstiterent, corpusambu-
 rerent, ni properè cenam expediret.
 Cumque multos furiosa illa alea in or-
 bem percurrisset, die qui Purificata
 Virginis festum insequitur, hunc mi-
 serum nihil minus cogitantem ebriosa
 illa turba tedorum derepente oppri-
 mit, homini flammam admonet, cenam
 exigit. paratur: expediuntur pocula,
 potatur in multam noctem. Postquam
 poculis indultum est satis, onusti vino
 ad suos quisque lares reuertuntur. Hic
 in suum se recipit cubiculũ & ut quieti
 se

Hinc Brē-
 neri di-
 eti, id est,
 Incen-
 diary.

se daret, vestes detrahit ad linteum
 indusium: inde vino somnoque victus,
 ut erat seminudus, in mensam, qua po-
 sita erat in cubiculo, dormit abundus se
 acclinat, innixus cubito. Interim mi-
 sero alto somno presso, ardens candela
 casu admota indusium inflamat, id-
 que pervadit totum non sentienti. Con-
 cepta flamma expergiscitur tandem
 seminstulatus. Exclamat amens, hor-
 rendis vocibus familiam cōciet. Cum-
 que se flammis exuere non posset, humi
 prouoluit, si fortè pressu corporis flam-
 mas opprimeret. Nihil proficitur. Flā-
 ma iam valida magis sauebat; accur-
 runt familiares, miserum adolescen-
 tem, quas frustra male vitarat ante
 canam, post canam flammis vident ab-
 sumi: percussi pauore, periculo tamen
 audiciam faciente, licet seram, ali-
 quam tamen opem ferunt, pertinaces-
 que flammis, qua possunt ratione re-
 stinguunt consumpta sindone, cute cor-
 poris iam penitus ambusta. Et est qui-
 dem ille praesenti periculo ereptus; sed
 incendiij vis tam altè visceribus insede-
 rat,

Lamen-
 tabilis
 clades vi-
 tam solu-
 tam se-
 quitur.



I.
 lasciu-
 rationi-
 geniali-
 omitari
 uitatis
 aliorum
 miliari-
 id cate-
 m, etiā
 us tadis
 m Ore-
 lum ex
 entur,
 ambu-
 ediret.
 i in or-
 ificate
 nc mi-
 ebriosa
 oppri-
 canam
 uocula,
 quam
 ti vino
 ur. Hic
 quieti
 se

Igniculi
pietatis
in cinere
sopiti iu-
uant ad
flamma
excitan-
dam.

B. Virgo
quondam
suos non
penitus
deserit.

rat, ut nullis remediis coerceri potue-
rit, quo minus assatae cutis tabes intus
serpens, acerbissimo ipsius cum crucia-
tu etiam vitalia depasceret. Itaque octa-
uo die, eadem penè hora, qua in eandem
calamitatem inciderat, consumptus
est. Sed ne ea quidem vitæ licentia, tot-
que ac tantis offensionibus Sanctissima
Mater irritata, eum qui se aliquando
in suam tradiderat clientelam, dese-
ruit. Tanti refert prima etatis initia
illius sanctissimo cultui addicere. Quin-
tam acerbo oppressum casu alumnum
suum quondam sibi charum, licet in-
presens estu quodam abductum, ita
sua luce collustravit, ut ille ad se redi-
ens, eam se calamitatem solutissima,
quam duxerat, vitæ castigandæ divi-
nitus immissam fateretur. Ita summam
dolorum acerbicatem, quibus undique
membra omnia continuò urebantur,
magna significatione pietatis, non pa-
tienti solum & equo animo, sed etiam
libenti pertulit, & cum in rebus om-
nibus toto illo tempore, tum maxime
cum ad sacramenta percipiendâ sepa-
raret

raret magna signa dedit pietatis. Cō-
mentarij eiusdem Sodalitatis duo ad-
dunt: primum eum à Sodalitate non
omnino recessisse, sed officia illius
negligenter coluisse: alterū Sodales
priuatis precibus quidē mortuo ad-
fuisse; publicis tamen consuetisque
honoribus partheniorum defuncto-
rum proprijs, funus profecutos non
fuisse. Quod posterius Sodalium fa-
ctum me alterius admonuit, quod in
ipsis illis commentarijs legi. Vixerat
quidam in Sodalitate alibi atq; inde
huc commigrarat: sed liberius viuen-
di vt potestas esset, hic nomen dare
neglexit, dum ex immoderata pota-
tione, vt multi credebant, apostema
in pulmonibus insanabile coalesce-
ret. Tum verò morti vicinus cepit
desidiam suam detestari, obnixè ro-
gare, vt vel vita functus iterum ad-
mitteretur. Ac receptus est ille qui-
dem, sed funebria iusta ei persoluta
nequaquam sunt: Ne Sodalitas ne-
gligentia patrocinari videretur. De
desertoribus porro nunc agendū est.

CAPVT

*Seuera
Sodalium
contra
lurcones
sententia*

CIC. 106,

*Ingolsta-
dienses
funera
negligen-
tium non
procu-
rant.*